



1.november 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit nalunaarasuartaateqarnermut tunngasut pillugit imaatigut kabeli ilanngullugu:**

**1. Naalakkersuisut nassuiarsinnaanerlugu soq Tele Postip suliaminut ilaatittariaqarneraa "suli uppernarsineqanngitsoq sakkortussuseq"? Peqataanik iluaqutaassagaluarpoq assersuutitik nunani allaneersunik takutitsisoqarsinnaagaluarpat, ilumut imaatigut kabelip pisinnaassusaanik piginnittut nalinnaasumik niueruteqarnerminni ilanngullugu atortarneraat "suli uppernarsineqanngitsoq sakkortussuseq".**

**2.§ 37 naapertorlugu apeqqummut nr. 227-mut akissutip immikkoortuani 1-mi ima allassimasoqarpoq: " Aningaasaliinermi aningaasartuutit taamatullu atortunut assiliilluni signalinik allannortiterissutitut ingerlatsinermit aningaasartuutit amerlammata, Tele Post taamaallaat aningaasaliivoq sukkassutsumut pisariaqartumut atuinerup ineriartorneranut ikorfiisussamut."**

- a. Naalakkersuisut Tele Postip siulersuinit ilisimatinneqartarnerlutik aalajangiisoqarsimatillugu aningaasaliinernik qaffasissumik aningaasartuutitalinnik kiisalu qaffasissunik ingerlatsinermit aningaasartuutitalinnik assersuutigalugu atortunut assiliilluni signalinik allannortiterussutitut?**
- b. Naalakkersuisut Tele Postimi siulersuisunit ilisimatinneqarsimassagaluarnerlutik Tele Post saaffigineqarsimasuuppat imaluunniit aningaasaliinissat pillugit oqaloqateqarsimasuuppat, aningaasaliissutissat qaffasissumik aningaasartuutitalit kiisalu qaffasissunik angerlatsinermit aningaasartuutitalit pillugit?**
- c. Naalakkersuisut qanoq iliuseqarnikuuppat Tele Postimi siulersuisut Naalakkersuisunut paasissutissanik tunniussaqaqanngitsoornissaasa pinngitsoortinnissaa qularnaarumallugu suliani suniluunniit aningaasaliinermut aningaasartuutitut kiisalu ingerlatsinermit aningaasartuutitut tunngasuni assersuutigalugu atortunut assiliilluni signalinik allannortiterissutitut?**
- d. Tele Postimi siulersuisunut qanoq kinguneqassava Naalakkersuisut paasissagaluarpassuk paasissutissanik tunniussinngitsoortoqarsimasoq aningaasaliinermi aningaasartuutitut qaffasissunut kiisalu ingerlatsinermit aningaasartuutitut qaffasissunut tunngasunik?**



**3. Qanoq naliliisoqartarpa aamma tunngaviit suut atorneqartarpat paasiniarlugu ilumut sunaluunniit " atuinerup ineriartorneranut ikorfiisussatut pisariaqarnerseq" takuuk issuaaneq apeqqut 2-miittoq?**

**a. Naalackersuisut nassuiarsinnaanerlugu Tele Postsimi siulersuisut, Tele Postimi pisortat Naalackersuisulluunniit naliliisussaataaersut paasiniarlugu atuinerup ineriartorneranut ikorfiisussatut suna pisariaqarnerseq.**

**4. Naalackersuisiut uppersarparpat imaatigut kabelimi sakkortussuseq atorneqanngitsoortussa qannertussuseqarmat 99 %-nik. Taavalu imaatigut kabelimik pilersitsinermi aningaasartuutit qaffasissut aningaasaliissutillu eqqarsaatigissagaanni Naalackersuisut iluarisimaarnerlugu imaluunniit iluarisimaannginnerlugu, taamaallaat imaatigut kabelip sakkortussusaata 1 %-iinnaa atorneqassamat?**

**a. Naalackersuisut isumaqassappata iluarisimaarnartoq taava qanoq iliorluni akileraartartut aningaasaataannik atupilunneq innuttaasunut naapertuuttutut oqariartuutigineqarniarpa?**

**b. Naalackersuisut isumaqarpata inuiaqatigiit aningaasaliinerat annertoq tunngavigalugu namminersorlutik oqartussat ingerlatseqatigiiffiata siuarsaasinnaannginnera iluarisimaarnanngitsoq, taava tamanna Tele Postip siulersuisuut qanoq kinguneqassava?**

**5. Naalackersuisut kissaatiginnerlugu imaatigut kabelip sakkortussusaanik atuineq allisneqassasoq taava taamaassimappat Naalackersuisut suut suliniutit aallartinniarpat?**

**6. Imaatigut kabelip Greenland Connectip sallaatsumik oqaatigalugu sakkortussuseq alliniarlugu aallartinniaaluusaarsimanagera eqqarsaatigalugu aningaasatigut kingunissai taamatullu aningaasaliinissaq kiisalu ingerlatsinermit aningaasartuutit eqqarsaatigalugit Naalackersuisut qanoq eqqarsarpat, imaatigut kabelip qanganitsernissaa taamaasillunilu taarsernissaa eqqarsaatigalugu imaatigummi kabelit 25-t ingerlanerini pisoqalikkajummata?**

**7. § 37 tunngavigalugu apeqqutitsinni nr. 227-mi apeqqutitsinni 2-mi imatut aperivugut: " sakkortussuseq procentinik qassinik ANNERTUSINEQARSINNAAVA avannamut kimmut programmi allineqartuuppat.**

**" Malugiuk avannamut kimmut programmi nammineq tamakkiisumik sakkortussusimut naleqqiullugu kismi apeqqutigineqanngimmat, paarlattuanilli apeqqutigineqarmat sakkortussusip ataatsimoortup/tamakkiisup ilaatut.**

**a. Isumaqarpugut apeqqut naammattumik akineqanngitsoq taamaattumik kissaatigaarput naammaginartumik akineqassasoq.**

**8. § 37 tunngavigalugu apeqqummi 227-mi apeqqutip 3-ani ima allasimavoq: "Tele Postip nalunaarutigaa, Europap Amerika Avannarliullu akornanni imaatigut kabelip sakkortussusaanik nioqquteqarnek sunnerneqassasoq unammilleqatigiinnermik sakkortuumik kabelerpassuaqarluni ingerlatsisorpassuaqarlunilu."**



Eqqumiikujuppoq Verdensbankimiit TeleGeographymut pisortatigoortut tusarfiit tamarmik tikkuarmassuk imaatigut kabelit amerliartupiloortut pissutaalluni nunarsuarmi tamarmi internetip atorreqarnerata siuariarujussuarsimamera, taamaattumik isumaqarnassagaluarpoq nunarsuaq tamakkerlugu paasissutissanik 99 %-t sinnerlugu aqqusaarneqartartut imaatigut kabelit niuerfinni naliginnaasuni iluaqutissartaqassagaluartut.

- a. Naalackersuisut aamma taamatut isumaqarnerlutik, niuerfik unammilleqatigiinnerujussuarmik sunnerneqaqqasoq kabelerpassuaqarluni ingerlatsisorpassuaqarlunilu.
- b. Tele Postip taggiineri qulaani issuaaneqartut misissuinerit ilumootunik tunngaveqarnerlutik? Misissuinerit ilumootut pigineqarpata assut takorusukkaluarpagut.

9. § 37 tunngavigalugu apeqqummut nr. 227-mut akissummi pineqartumi tunngaviginerarneqarpoq imaatigut kabelinik ingerlatsineq tamatigut aningaasaliiffittut iluatsinneq ajortut. Aamma taamaappa Greenland Connect eqqarsaatigalugu? Aamma taava imaannerluni kukkusumik aningaasaliinerusoq immaqaluunniit imaappa kalaallit inuiaqatigiit aningaasaliisimanagerat pingaarnerpaaq aqunneqartoq piukkunnaateqanngilluinaqqissaartunit?

- a. Tele Postip suut assersuutit allat tunngaviginerarpai oqaramik imaatigut kabelit aningaasaliiffigissallugit iluatsittuaannarneq ajortut?
- b. Aamma allaqqavoq Greenland Connect Europap kitaata USA-llu avammut kangiatungaani angallaffimmi pingaarnerpaaq unammillersinnaassuseqanngitsoq. Taamatut inerniliinermit paasissutissat eqqortut suut tunngavigineqarpat?
- c. Tamakku saniatigut angallaviit Skandinaviap akornaniittut sualumillu Islandimi taamaanneraanerit pillugit paasissutissat eqqortut takorusuppagut.
- d. Aningaasaliinerit aningaasatigut kingunissai pillugit naatsorsuinerit aamma takorusuppagut Islandimi taamatullu Newfoundlandimi piffissaq ungasinnerusoq isigalugu qilorsorneqaataasumik attartornissamut suleqatigiit isumaqatigiissuteqarnissaannut taakku tunngaviummata.
- e. Greenland Connectip sakkortussutsimik atorluaasinnaannginnera eqqarsaatigalugu Naalackersuisut isumaqarnerlutik pisariaqarnerusoq akileraartartullu soqutigisarinneraat Tele Postip piffissaq ungasinnerusoq isigalugu Islandimiunut Newfoundlandimiunullu suleqatinut qilorsorneqaataasumik attartornissamut isumaqatigiissuteqarnissaa - isumaqatigiissuteqartuunani soorlu inuiaqatigiit ingerlatseqatigiiffiat immikkoortoq Greenland Connectimik piginnittoq?

10. § 37 tunngavigalugu apeqqummi 227-mi apeqqutip pingajuanni Tele Postip oqaatigaa piareersimallutik niuernikkut periarfissanik takkuttussanik islandimi paasissutissanik katersuiviit siuariartorlualissagaluarpata.



**Qanoq pisoqarnerani nalilerneqassava "siuariartorluartoqalersoq" Verne Globalip allarpassuarnut ilanngullugu BMW pisisartorimmagu Islandimi paasissutissanik katersuivik 18 hektarinik annertussusilik 2012-mi aallartimmalli?**

**11. § 37 tunngavigalugu apeqqummi 227-mi apeqqutip pingajuanni Tele Postip aamma oqaatigaa pisariaqartoq Tele Postip paasissutissanik ingerlatitseqqittarnermini akinik pissarsisariaqassasoq ingerlatseqatigiiffik iluanaaruteqarsinnaalersillugu akissaqartilugit aningaasaliissutissat pisariaqartut aamma ingerlatsinermut aningaasartuutit. Ingerlatseqatigiiffiup Imaatigut kabelimut aningaasaliissutini nalikilliliissutigereermagit taamaasillunilu Tele Post periarfissaarutereermat Return on Investmentimik (ROI)-mik pilersitsinissaminut taava qanoq ilillutik Naalakkersuisut takorloorsinnaavaat iluanaaruteqartoqarsinnaassasoq aamma Naalakkersuisut isumaqarpat Tele Postip imaatigut kabelip sakkortussusaa iluanaaruteqarfigisinnaassagaa, ullormi manna tikillugu imaatigut kabeli iluanaaruteqarfigisinnaasimangimmassuk?**

**a. Tele Postip ulluni makkunani tusaqqusaarutigilluarpaasuleqatertillu islandimeersoq Verne akit APPARTISSINNAASIMALLUGIT 80-90 %-nik. Naalakkersuisut isumaqarnerlutik ilumoortoq killormut saatinniarneqartoq Tele Postimi § 37 tunngavigalugu apeqqummut 227-mut akippit pisariaqartoq paasissutissanik ingerlatitseqqittarnermi akit ima qaffasitsigissasut ingerlatseqatigiiffik iluanaaruteqarsinnaanngorlugu? Taava sunamita pissutaava Tele Post tassanngaannaq akitigut unammillersinnaaleriataarneranut atlantiku ikaarlugu paasissutissanik ingerlatitseqqittarnermi akit eqqarsaatigalugit, oqaatigineqartummi akissutaareersumut naleqqiullugu killormoorput?**

**12. Naalakkersuisut qanoq iliorlutik akileraartartut minnerunngitsumillu Inatsisartunut ilaasortat paasitinniarpaat nassuiaallugillu atuinerup killeqarluinnarneranik kiisalu imaatigut kabelip sakkortussusaaanut iluanaarutit killeqarluinnartut pillugit?**

**a. Imaatigut kabelip sakkortussusaaanik amingarluinnartumik atuineq nalunaarasuartaaseriveqarnerup unammillerfiunerulernissaata unitsikkallarneqarnissaanut siunnersuummut UKA2017/109-mut qanoq sunnuteqarnissaa naatsorsuutigineqarpa?**

**13. Naalakkersuisut Tele Postip Kalaallit Nunaanni "qarasaasiakkut ineriartupiloorneraanera" ilisarisinnaavaat sualummik eqqarsaatigalugu imaatigut kabelip sakkortussusaaanik mikilluinnaqqissaartumik atuisoqarnera?**

**a. Sukkut qanorlu nunani allani pisisartut imaatigut kabelip kalaallit nunaanni atuisuisuinut akornusiisinnaanera Naalakkersuisut takorloorpaat "qarasaasiatigut ineriartupiloornersuup" assigiinnarmagu sakkortussutsimik tamakkiisumik 1 %-iinnarmik atuineq?**



14. § 37 tunngavigalugu apeqqummi 227-mi apqqutit sisamaannut tunngatillugu Naalakkersuisut akipput periarfissat kingunerusussallu misissorneqarnissaat pisariaqartussaasoq imaatigut kabelikkut attaveqaateqarneq Tele Postip piginnittuuneranit avissaartinneqassagaluarpat.

Naalakkersuisut kissaatiginerlugu taamatut misissuisoqarnissaa aamma taamaattoqassappat kiammita misissuineq ingerlatissavaa aamma qaqugumita naatsorsuutigineqarsinnaava tamatumap Inatsisartunut saqqummiunneqarnissaa aamma tamanna UKA2017/109-p suliarineqarnissaanut qanormita sunniuteqassasoq naatsorsuutigineqarpa?

15. § 37 tunngavigalugu apeqqummi 227-mi apqqutit sisamaat akillugu Naalakkersuisut allapput pissutsit allat atuuttut imaatigut kabelikkut attaveqaatit kisimik avissartinneqassasuuppata. Qanoq aamma soq Naalakkersuisut isumaqarpat pissutsit allaasut aamma unammilleqatigiinnerulernissamut siunnersuutip unitsikkallarnissaanut tamanna qanoq sunniuteqassava taamallat imaatigut kabelip sakkortussusaa Tele Postip piginnittuuneranit avissaartinneqassagaluarpat?

16. Tele Post isumaqarpat Tele Post akorngutissaqanngitsumik atulersitsinissaminut aningaasaliinini taavalu imaatigut kabelip sakkortussusaanik atorneqanngitsumik nunarsuatta sinnerani atuisartunut nioqquteqarnissani Tele Postip aningaasarsissutigisinnaappagu, taava sunamitaavaana pissutaasoq ulloq manna tikillugu taamaaliortoqarsimannginneranut?

17. Takuuk § 37 naapertorlugu apeqqummi 227-mi apeqqutit tallimaat. Suna pissutaava Tele Postip innuttaasut inuussutissarsiortullu immikkoortillugit isertitaqaataasimanerannut kisitsisaateqannginneranut. Naliginnaannginnami sulliviit niuerfimminnik ilisimannittarnerat taamaasillutillu kikkunnut nioqquteqartarnerlutik?

18. Aningaasaliissutit qaffasinnerujussuat aamma ingerlatsinermi aningaasartuutit qaffasinnerujussuat, taakkulu aningaasaliissutit qaffasissorsuit nalikillineqartarnerat, atortut qanganitsernissaat taamaasillunilu taarsiinissaq minnerunngitsumillu imaatigut kabelip sakkortussusaanik naliginnaasumik atuinikippallaarneq eqqarsaatigalugit, taava qanoq ililluni niuernikkut aningaasaliisimaneq pitsaanngitsoq inuiaqatigiinnut aningaasaliinerusinnaava pitsaasoq? Takorusupparput kikkunnut pitsaasuusimanersoq aamma qanoq?

19. Naalakkersuisut akipput imaatigut kabelimik atuisunngornissaq pillugu Facebookimit saaffigineqarsimanatik. Naalakkersuisut Tele Post aperisimanerlugu saaffigineqarsimanersut imaluunniit Facebookip sinniisuinik oqaloqateqarsimanersut allanilluunniit Facebook sinnerlugu isumaqatigiinniartartunik. Taamaassimappat Tele Post qanormita akissuteqarsimava?



**a. § 37 tunngavigalugu apeqqummi 227-mi apqutit arfernannut tunngatillugu paasissutissanik Naalakkersuisut Tele Postiluunniit noqitsisimappata, taava tamanna Naalakkersuisunut imaluunniit Tele Postimut qanormita kinguneqassava?**

**20. § 37 tunngavigalugu apeqqummi 227-mi apeqqu tip 6-anut Tele Post akissuteqarnermini oqaatigaa piumasaqaatit arlallit naammasisariaqartut nunarsuup sinnerani paasissutissanut katersivimmik pilersitsissagaanni ingerlatsissagaannilu. Naalakkersuisut aamma/imaluunniit Tele Post tamakku pillugit misissuisimanerit inernerinik peqarpata assorujussuaq takorusukkaluarpagut. Pagineqanngippatali sakkortuumik innersuussutigissuarpud sukkanerpaamik periarfissat tamakku pillugit arlaannaannulluunniit attuumassuteqanngitsut misissutinneqassasut.**

**a. Nalunaarasuartaasiveqarnerup iluani sulliviup kisermaassisup attaveqatigiinnermut tamarmiusumut piginnittuunera nunanut allamiunut paasissutissanik katersivinnik aningaasaleerusukkaluarpud akorngutaavoq kiisalu qulaani taaneqartut misissuinerit ingerlanneqarallartillugit piumasarissavarpud Naalakkersuisut siunnersuut UKA 2017/imm. 109 utertikkallassagaat, pisariaqarmat paasissutissanik naammattunik pissarseqqaarnissaq taama angitigisumik aalajangiisoqartinnagu.**

(Demokraatit Inatsisartuni gruppiat)

### **Tunngavilersuut**

Demokraatini tigunikuarpud Naalakkersuisut apeqqu tittinnut nr. 227-mut akissutaat ilaatigut tunngasoq imaatigut kabelip "Greenland Connect"-ip piginnaassusaanut.

Naalakkersuisut akissutaat apeqqu tinik arlalinnik qaffatsitsippud ilaatigut Naalakkersuisut akissutaanni paasissutissat eqqortut amingaataammata.

Taamaattumik Naalakkersuisut qinnuigisariaqalersimavagut apeqqu tit qulaaniittut akeqqullugit tamatumalu saniatigut innersuussutigissuagut apeqqu tittinnut normu 2017/227-mut tunngavilersuutigisimasagut.

Apeqqu tit akeqqu agut ullut suliffiit naliginnaasut qulit iluanni.